

眼科闡微

一



眼科闡微卷之一元集

總論

眼有五輪八廓十二經絡三百六十脈皆一身精氣
上升入通靈空竅而為光明其中輪廓經絡表裏陰
陽氣血生尅等論各家眼科或編歌詩或列像圖詳
細明白故不復著至於病分內外七十二症是古人
因形定名示後人看症用藥不致差錯然往往按症
用藥小病或愈大病難痊即眼前雖效久則必犯者
何也是以治外而不治內治標而不治本根源之地
未明故也所以眼科外障雖有四十九種內障雖有

二十三候其病源皆起于肝肺傳于五臟六腑連於十二經絡隨其所感變化多端而七十二症之名出焉然其中有虛實不同須要返本窮源辨別明白審得內外翳障凡係實症當除風散熱用孫真人吹冲之法凡係虛証當養血安神用杞實粥補益諸方庶幾由博及約不致症多方亂也

辨眼症虛實論

眼有七十二症大要不外虛實二者而已虛者眼目昏花腎陰真陰不足實者暴赤腫痛肝經風熱有餘治虛症宜滋真陰補氣血所以益其不足治實症宜散風熱洩火毒所以損其有餘間有虛實相半之症則滋腎散熱兼而用之夫何眼疾之不瘳哉每見世之治目者不審虛實不究來歷不按經絡凡遇昏花重目熱邪薰蒸誤以涼藥投之不知寒涼傷胃生氣不能上升變成青盲等內障矣凡遇暴赤腫痛者直曰火盛水衰誤以補腎之藥投之不知補腎生肝之

瞞

氣肝氣上冲則翳膜更變成主翳浮瞞等外障矣此
皆用藥之誤而非目病之原不可治也嗚呼舉世迷
路混亂用藥輕病治為重病重病治成壞病堂堂七
尺之軀竟作廢人可嘆可惜余故切切辨之實症點
白玉錠方見四卷點掃霧丹方見秘訣虛症不點

辨眼疼有虛實症論

眼疼屬火有虛火實火不同暴疼為實久痛為虛腫起為實細小沉陷為虛實痛腫且脹虛疼陷且澁實火暴疼熱腫脹細小沉陷澁久虛此眼疼虛實之辨也治實疼則泄其火治虛痛則養其氣生其血泄火不可遽為助長且眼以氣血為主養血不可損血補氣不可動火然氣乃陽明之火補氣焉得不動火蓋氣實則熱氣虛則寒平則溫故補氣無動其火既溫補之何動火之有是以止痛之法亦不外補泄二端矣實疼外用拈痛散方見四卷內點元靈丹方見秘

訣虛實點白玉錠方見四卷

服藥宜忌論

治目之法多端切忌刀針割肉刺血生確生信諸般
伯道刀針易損精水刺血易傷瞳人信確中毒入深
且敗血之藥固當戒涼血之藥亦不過多敗血藥多
而生黑暗之疾患涼血藥多而生青黃之障翳是木
賊蒺藜之類雖止痛除風能傷肝腎可宜佐用不宜
久服密蒙谷精之類雖能明目止可暫用為君佐以
養血和陽方可通行

辨熱症有虛實氣不同論

大抵眼熱之症有虛熱實熱氣熱之不同苟一概視之而昧昧從事則熱於中因而失神今分指其詳大約虛則生寒實則生熱補泄之法宜按症參之虛熱者乃新病後失于保養或房事勞傷虛耗元陽相火炎上薰蒸脾胃以致兩目赤溢羞明怕光其目惟赤而不腫故治法以血分為主滋腎為佐兼除外熱使邪火下降此治虛熱之法也實熱者其人秉氣厚或飲酒過多或怒氣冲上或動心火心火既動火尅金金尅木以致兩目赤腫難開故法治宜泄心火平胆

氣涼血為主此治實熱之法也氣熱者時氣也其疾多發于三伏秋後之際人不謹慎感天地邪熱之氣以致暴發赤腫如火刺痛熱泪流溢治法宜發散降火之劑為主先用白芍柴胡乾葛等類次以養血之藥繼之此治氣熱之法也虛熱點白玉錠點元靈丹

方見秘訣

實熱點梨汁膏

方見四卷

掃霧丹

洗用小棗兒方見四卷氣熱點賽金丹方見四卷賽空青方見二卷

辨五輪病源用藥論

夫兩眼角紅絲穿入白珠如線者乃心火剋肺金也

當用柴胡黃連以瀉心火肺金自得其平白珠紅赤灌入

黑睛乃肺金剋肝木也當用桑白皮枳殼黃芩以瀉肺火肝木

自得其平黑珠凸出脹痛兩胞紅腫難開乃肝木剋

脾土也當用赤芍胆草生地麥冬以瀉肝火脾土自得其平兩胞不

腫黑珠下陷難開是脾土剋腎水也當用梔子石膏以

瀉脾土腎水自得其平三症俱先點白玉錠次點元

靈丹有雲膜點至寶丹方見四卷

辨五輪生剋論

五輪者金木水火土也相生則無病相剋則有病何謂相生如

肺屬金為氣輪腎屬水輪肝屬木為風輪心屬火為

血輪脾屬土為肉輪金生水水生木木生火火生土土生金金復生水生生

不絕何病之有何為相剋若五臟不平鬱發心火剋

于肺金肺金剋肝木肝木剋脾土脾土剋腎水腎水

剋心火心火復剋肺金剋剋不已萬病生焉治法須

明生剋之理自然藥到成功故五輪八廓各屬一經

治疾先詳根源然後對症加減

瞼

辨心火剋肺金白珠生赤絲論

五輪分部云白睛屬肺凡白睛生紅絲皆因心火剋
 肺肺金積熱無處消散隨肺之經絡上入于目遂生
 紅絲盤結于白睛延及二載即長白脂皮一層將紅
 絲瞼着脂皮外又長絲紅下一層如此類集數層其病
 成矣初見紅絲時宜利小便令心火由小便也邪火
而出心與小腸為表裏
 既去肺不受浸矣若止在肺金未入於肝經間用寒
 藥亦無妨以烏睛尚未生雲翳也

點掃霧丹至寶丹
 用秘訣吹冲法

辨肺金剋肝木黑睛生翳膜論黑珠有點又稱

五行生剋云金剋木肝屬木肺屬金肝木受剋枯燥

生火肝上因生脂膜如豆腐皮粘延纏擾不清熱毒

隨肝之經絡上并于目而生紅絲自白睛而入黑睛

睛上雲翳如稱星如絲縷如梅花時長時退甚至遮

蔽瞳人治法宜服發散和解毒之藥合觀二症黑白珠

上未生翳膜肝肺上先生翳膜如何鈎割得先點掃

霧丹次用秘訣吹冲法點賽寶丹方見秘訣

辨眼内生雲翳用涼葯難退論過用涼葯難退
目不因火則不病是火為受病之源也雲翳因火而
生退雲翳又不可遽然清火何也心火積久白珠生
雲翳肺經一團熱血也肺經蘊深入肝經烏珠生雲
翳肝經一團熱血也此時候用寒涼將熱血冰住不
得流通經絡阻塞雲翳死于眼睛上為不退之翳俗
名為冷翳是也治法相其虛實活血養血發散清火
緩緩治之可也夫雲翳猶之舟也火猶之水也舟以
水來亦以水去若先徹水舟落泥中矣雲翳因火而
生還借火而退火與雲翳一齊退是良法也點掃霧

丹至寶丹亦用秘訣吹冲法點寶寶丹

癰

滿 癰

辨癰癩毒氣上攻於目白睛有瘀血論

此症眼有瘀血堆積於白睛上四圍比黑睛高起治
若稍緩血滿睛珠便成危症宜服羌活勝風湯加破
瘀葯治之眼愈而癰癩亦愈此症發歇不腫不疼只
是血絲一片突兀驚人除賽寶老膜散外各點葯
俱宜點